



Այս անլույս կյանքում հոգիս
հանգիստ չէ,
Ես այստեղ պանդուխտ եմ և
օտար,
Աշխարհի երգերն ինձ հարազատ
չեն,
Մութ ճամփան միշտ խորթ է ինձ
համար:

Բայց առանց Աստծո այս կյանքն
ունայն է,
Եվ արևն անգամ մի կեղծ
պատրանք,
Աշխարհում խավար ու
տառապանք է,
Երկնքում է գանձն ամենաթանկ:

Ո՛վ Աստված, գիտես՝ հոգիս
ծարավ է
Կենդանի ջրի Քո աղբյուրին,
Ես գիտեմ, որ սերը Քո անբավ է,
Ինձ համար Քեզ մոտ կա ավելին:

Դու գիտես, որ սիրտս Քեզ
սպասում է,
Քո երկյուղն է միշտ հոգուս
խորքում,
Դու գալիս ու սիրտս լիացնում ես,
Աննման Քո փառքն է ինձ գերում:

Արևի պես Դու գալիս փարվում ես,
Շողերով Քո կյանք ես պարգևում,

Խնդությամբ նորից Դու ինձ լցնում
ես,
Ճանաչել տալիս Քո սերն անհուն:

Իմ Հիսուս, ինձ թույլ տուր, որ
փարվեմ Քեզ,
Արցունքներն իմ Քեզ են որոնում,
Ես գիտեմ՝ իմ սիրտը Դու տեսնում
ես,
Մի խոսքից անգամ ինձ
հասկանում:

Ես գիտեմ, որ Դու ընդմիշտ ինձ
հետ ես,
Դու ես, Տէր, օգնում ինձ այս
կյանքում,
Քո արյամբ իմ սիրտը միշտ
մաքրում ես,
Ինձ պահում կանգուն ու
հաստատուն: